

A I R E A M H.

aon a b' urrainn dol amach gu cogadh;

35 Iadfan a chaidh àireamh dhiubh, *eadhon* do thréibh Mhanaseh, b' iad dà mhìle dheug 'ar fhichead agus dà cheud.

36 Do chloinn Bheniamin, a réir an ginealacha, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b' urrainn dol a mach gu cogadh;

37 Iadfan a chaidh àireamh dhiubh, *eadhon* do thréibh Bheniamin, b' iad cùig mìle deug 'ar fhichead agus ceithir cheud.

38 Do chloinn Dhan, a réir an ginealacha, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b' urrainn dol a mach gu cogadh;

39 Iadfan a chaidh àireamh dhiubh, *eadhon* do thréibh Dhan, b' iad trì fichead agus dà mhìle agus feachd ceud.

40 Do chloinn Afeir a réir an ginealacha, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b' urrainn dol a mach gu cogadh;

41 Iadfan a chaidh àireamh dhiubh, *eadhon* do thréibh Afeir, b' iad aon mhìle agus dà fhichead agus cùig ceud.

42 Do chloinn Naphtali a réir an ginealacha, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna

dh'aois agus os a cheann, gach aon a b' urrainn dol a mach gu cogadh;

43 Iadfan a chaidh àireamh dhiubh, *eadhon* do thréibh Naphtali, b' iad trì mìle deug agus dà fhichead agus ceithir cheud.

44 Sin iadfan a chaidh àireamh, a dh'aireamh Maois agus Aaron, agus ceannardan Israeil, *eadhon* da fhear dheug: bha gach fear diubh air son tighe aithreacha.

45 Mar sin bha iadfan uile a chaidh àireamh do chloinn Israeil, a réir tighe an aithreacha, o fhichead bliadhna dh'aois agus os a cheann, gach aon a b' urrainn dol a mach gu cogadh ann an Israeil;

46 Eadhon iadfan uile a chaidh àireamh, b' iad fè ceud mìle agus trì mìle agus cùig ceud agus leth-cheud.

47 Ach cha deachaidh na Lebhithich, a réir tréibh an aithreacha, àireamh 'nam measg:

48 Oir labhair an Tighearna re Maois, ag ràdh,

49 Amhàin treubh Lebhi cha 'n àireamh thu, ni mò a ghabhas tu an *cumtas* cheann am measg chloinn Israeil:

50 Ach orduichidh tu na Lebhithich os ceann pàilliuin na fianuis, agus os ceann a shoithichean uile, agus os ceann nan uile nithe a *bhuineas* da: giùlainidh iad am pàilliuin, agus a shoithichean uile, agus frithealaidh iad da, agus campaichidh iad m'an cuairt air a' phàilliuin.

51 Agus anuair a bhios am pàilliuin gu dol air aghaidh, leagaidh na Lebhithich a nuas e: agus anuair a bhios am pàilliuin a' shuidheachadh, togaidh na Le-